

**MESYUARAT PERTAMA PENGGAL PERTAMA
DEWAN UNDANGAN NEGERI PULAU PINANG
YANG KEEMPAT BELAS
02 OGOS 2018**

PERKARA : 4(B)(XXIII)5

**SOALAN BERTULIS OLEH AHLI KAWASAN SUNGAI BAKAP
YB. DR. AMAR PRITPAL BIN ABDULLAH**

5. Keadaan jalan raya di kawasan kampung tidak sekata telah menimbulkan ketidakselesaan bagi pengguna jalan raya dari Simpang Ampat ke Tasek, Sungai Bakap ke Penjara dan dari Sungai Bakap ke Sungai Duri.
 - (a) Bilakah pihak Jabatan Kerja Raya dapat menjalankan kerja-kerja penurapan dan menaik taraf jalan raya di kawasan tersebut?

**YB. ZAIRIL KHIR JOHARI
MENJAWAB BAGI PIHAK Y.A.B. KETUA MENTERI**

5. Kerja-kerja penurapan semula jalan dari Simpang Ampat ke Tasek telah siap dilaksanakan oleh kontraktor lantikan Tenaga Nasional Berhad (TNB) sebelum tarikh yang dijadualkan iaitu 15 Jun 2018. Kerja -kerja penurapan semula jalan ini dibuat ke atas kawasan potongan jalan (*road cutting*) yang berpunca dari kerja-kerja penanaman kabel bawah tanah TNB. Namun begitu, bagi kawasan yang dikorek semula oleh kontraktor, kerja membaiki semula turapan (*temporary patching*) akan dilaksanakan pada 18 Julai 2018 sehingga akhir Julai 2018. Sebagai makluman, Jabatan Kerja Raya (JKR) Seberang Perai Selatan (SPS) dalam proses menurap semula jalan-jalan yang bermasalah di sekitar SPS melibatkan sembilan (9) projek menurap semula jalan di Jalan Permatang Ara Wellesley, Jalan Sungai Duri, Jalan Sg. Baong, Jalan Lima Kongsi, Jalan Pekan Sg. Bakap, Jalan Wellesley (SMK Syed Barakbah), Jalan Kg. Sungai Kecil, Kg. Besar Kedah Boundary, Jalan Kg. Sg. Kecil Loji Air dan Jalan Paya Kemian serta kawasan sekitarnya. Di samping itu, kerja-kerja penurapan Jalan Sungai Bakap – Sungai Duri dan Jalan Sungai Bakap

ke Penjara telah dimasukkan dalam perancangan dan akan dilaksanakan pada suku pertama tahun 2019.